

Byenvini nan Frost Science

Mize Syans Phillip ak Patricia Frost (Frost Science) se yon mize syantifik prensipal ki dedye pou pataje pouvwa syans, pwovoke admirasyon ak envestigasyon epi alimante inovasyon pou lavni. Frost Science ki sitiye nan anba laval Miami, divize an kat biling: Planetaryòm Frost, Akwaryòm ak Zèl Nò ak Lwès. Isit la, envite yo ka aprann sou lavi sou latè, sistèm solè a ak linivè nou konnen, fizik vòl, byoloji kò ak lespri moun, ak lòt ankò nan yon kad eksperimentaly.

Planetaryòm Frost

Planetaryòm Frost ki gen 250 plas la itilize pwojeksyon 8K ak 16 milyon koulè, son miltikanal ak yon gwo ekran dom pou mennen w nan odise vizyèl enpresyonan nan lespas. Admisyon nan mize a gen ladan chwa yon espektak planetaryòm.

Aparèy èd oditif yo disponib pou tout espektak yo nan Planetaryòm Frost la. Antre planetaryòm Frost la sitiye nan Nivo 1 an. Apre espektak la, envite yo ap kite teyat la nan Nivo 2 a.

Akwaryòm

Soti nan reken Gulf Stream yo rive nan ti bèt yo ki rele zouksantèl k ap viv nan koray yo, akwaryòm nan se yon vwayaj atravè bél mond akwatik Sid Florid la. Biling lan gen ladan twa nivo, kòmanse nan Vista (Panorama) Nivo 4 la kote w ap eksplor sifas dinamik abita yo tankou Gulf Stream, Forè Mangwòv ak Everglades. Desann nan nivo enferyè Plonje ak Pwofon yo pou panorama anba dlo fòmidab ak estasyon aprantisaj entèraktif yo. Atravè rankont fas a fas yo avèk syantifik k ap travay yo epi avèk bèt vivan yo, w ap konekte sistèm ekolojik rich sa yo ak syans ki dèyè yo a. Fen vwayaj ou nan akwaryòm nan atenn yon somè nan lantiy okilis 31 pye a ki fòme fon eksposizyon Gulf Stream lan, kote rè ak reken yo ou te wè nan nivo Vista a ap navige pa anlè tèt ou.

Akomodasyon

Boutik Syans lan

W ap chèche kado oswa souvni pafè a? Boutik Syans lan ofri yon bann kalite zouti syans ak jwè, mayo, liv ak kado inik ki gen rapò ak ekspozisyon an. Acha w la sipòte misyon mize a pou enspire moun tout laj ak tout orijin vin jwi syans ak teknoloji ak pou pi byen konprann tèt yo ak mond lan.

Boutik Syans lan sitiye nan Nivo 1 an, bò kote Sant Tikè a. Li pa nesesè pou w antre nan mize a pou w ka vizite Boutik Syans lan. Manm mize a resevwa 10% rabè sou tout acha yo.

Food @ Science

Food@Science se yon espas konfòtab ak akeyan ki ogmante eksperyans vizitè a. Rejwenn nou pou yon tas kafe ak yon kolasyon anvan eksplorasyon an, pou manje midi oswa pou yon remontan nan fen apremidi pou pwolonje sejou w! Café a pwopoze chèz alenteryè oswa alekstteryè ki kouvri pou w pwofite repa sezonye anplennè, sa gen ladan kafe prefere Starbucks, patisri atizanal, salad avèk pwodui agrikòl ak bòl, sandwich ak anmbègè, pitza, manje ki bon pou timoun, ti goute ak bagay pou pote ale.

Food@Science sitiye nan Nivo 1 Zèl Lwès la. Li pa nesesè pou w antre nan mize a pou w ka dine nan Food@Science. Manm mize a resevwa 10% rabè sou tout acha yo.

Konnen ke yo pa otorize okenn manje oswa bwason anndan mize a. Nou apresye èd ou pou prèzeve eksposizyon nou yo ak mize a.

Twalèt

Twalèt ki aksesib pou chèz woulant yo disponib nan Nivo 1 jiska 5 jis anfas asansè prensipal yo nan lakou anndan an, epitou toupre antre nan Galri Ekspozisyon Espesyal Fanmi Hsiao ak nan café Food@Science la. Twalèt pou fanmi ki aksesib pou chèz woulant yo ki gen ladan yo douch ak pòs pou chanje pou tibebe ak adilt yo sitiye toupre twalèt prensipal yo nan chak etaj.

Ekspozisyon Pèmanan Syans

Tach Solèy Nivo 6

Solèy se yon sous enèji pisan—epi limyè solèy la se resous renouvlab ki pi abondan ki disponib sou tè a. Teknoloji modèn ekspligate enèji sa a pou plizyè kalite itilizasyon, ki gen ladan pwodiksyon elektrisite. Ekspozisyon pèmanan a Tach Solèy la sou teras solè Florida Power & Light Company, ki sitiye sou twati nivo 6 mize a, eksploré pisans solèy la kòm yon sous enèji renouvlab atravè plizyè aktivite entèraktif avèk enèji solè.

Rivyè Zèb Nivo 4

Plonje tèt ou nan koulè yo, son yo ak bèt sovaj nan Everglades Florid yo nan ekspozisyon alenteryè ak alekstteryè sa a. Rivyè Zèb la te fèt pou pi jèn eksploratè nou yo (3 a 6 an) epi gen ladan yon sal eksplorasyon medya miks, nap dlo, ak pwezi enspire Evergaldes yo ki ekri an patenarya avèk festival pwezi O, Miami. Ekspozisyon sa a nan Nivo 4 Zèl Nò a epi se yon gwo pwen depa pou eksploré rès akwaryòm nan.

Plim rive nan Zetwal yo Nivo 3

Swiv gwo istwa vòl, depi nan dinozò a plim yo rive nan ekspliwa fòmidab kreyativite imen ak avanti vwayaj nan lespas. Plim rive nan Zetwal yo mennen w nan istwa enkwayab sou fason ansyen evolisyon te bay nesans ak vòl bèt yo, jan moun imajine ak konsevwa fason yo dekole nan lèzè, ak kijan lespas se pwochen gran fwontyè nou. Plim rive nan Zetwal yo nan Nivo 3 Zèl Nò a.

MeLab Nivo 2 ak 3

Defye sèvo w, sispann yon viris, planifye yon repa oswa jis detann ou – tout sa fè pati eksperyans MeLab ou. Chak jou nou tout fè chwa ki afekte sante ak byennèt nou. Nan lavi reyèl, chak gress chwa konte, men nan MeLab, ki sitiye nan Galri Baptist Health nan Nivo 2 ak Nivo 3 nan zèl Lwès mize a, ou tounen eksplorasyon lan. W ap egzekite similasyon, rezoud je kastèt ak teste sans, reflèks ak repons ou a estrès pou dekouvri sa ki fonksyone pi byen pou ou ak kò ou.

Pouvwa Lasyans Nivo 1

Eksploré kijan lasyans pouse limit posibilité yo amezi w ap aprann sou rechèch ak dekouvèt revolisyònè syantifik yo, sa gen ladan sila yo ki soti nan Inivèsite Miami. Nan Pouwva Lasyans, w ap dekouvri nouvo limit syantifik yo, kote bakteri transfòme wòch ki soti sou mas pou tounen kay enprime an 3D epi enfrastrikti marin inovatè ankouraje rejenerasyon koray yo. Rankontre syantifik revolisyònè tankou Dmitri Mendeleev, envantè tablo peryodik la ak Doktè Sylvia Earle, ki te eksploré pwofondè lanmè. Ekspozisyon an menm gen ladan yon kopi selèb kostim JIM sou plonje nan oseyan Doktè Earle la! Pouwva Lasyans sitiye nan Nivo 1 biling akwaryòm lan.

Ekspozisyon Espesyal

Reken

Pandan 450 milyon ane yo te domine oseyan yo sou latè. Jodi a, egzistans yo pa te janm pi menase pase sa.

Plonje tèt ou nan monn Reken yo! Nan ekspozisyon imèsif ki gen siksè sa a ke eksplè Mize Ostralyen yo te kreye, vizitè yo pral tounen nan tan pou rankontre ansyen zansèt reken yo, retwouve yo fas a fas ak yon gwo reken blan epi dekouvri adaptasyon ekstraòdinè yo avèk ekspozisyon entèraktif, espesimèn ak objè ou ka manyen. Avèk koneksyon kiltirèl ki enkli yon bann jenerasyon, vizitè yo pral dekouvri kijan konesans premye nasyon yo ak pèp zile pasifik (Pasifikasi) yo sou reken kapab ede nou pwoteje yo.

Reken yo pral ekspoze dimanch 21 avril, nan Galri Ekspozisyon Espesyal Fanmi Hsiao nan Nivo 1 Zèl Nò a. Se Mize Ostralyen ki te kreye ekspozisyon sa a epi Evergreen Exhibitions te fè vizit yo.